

Broj:09/1-14-7012/12
Tuzla, 17.04.2012. godine

Na osnovu člana 23. Zakona o ministarstvima i drugim organima uprave Tuzlanskog kantona (“Službene novine Tuzlanskog kantona”, br:17/00,3/01,12/03 ,10/05, 3/08 i 8/11) i člana 39. stav 7. Zakona o izvršenju budžeta Tuzlanskog kantona za 2012 godinu (“Službene novine Tuzlanskog kantona” , broj:3/12), Ministarstvo za rad, socijalnu politiku i povratak Tuzlanskog kantona d o n o s i

PROGRAM

raspodjele sredstava sa potrošačke jedinice 23020019-subvencija troškova prevencije, rehabilitacije i resocijalizacije ovisnosti o drogama za 2012.godinu

I

Ovim Programom utvrđuje se raspodjela sredstava iz Budžeta Tuzlanskog kantona za 2012. godinu sa potrošačke jedinice 23020019-subvencija troškova prevencije, rehabilitacije i resocijalizacije ovisnosti o drogama u iznosu od 300.000,00 KM na slijedeći način:

1. Podrška projektima prevencije ovisnika o psihoaktivnim supstancama u 2012. godini u iznosu od 58.000,00 KM
2. Podrška projektima rehabilitacije ovisnika o psihoaktivnim supstancama u 2012. godini u iznosu od 170.000,00 KM
3. Podrška projektima resocijalizacije ovisnika o psihoaktivnim supstancama u 2012. godini u iznosu od 72.000,00 KM

II

Ministar za rad, socijalnu politiku i povratak u Vladi Tuzlanskog kantona će sredstva iz tačke I ovog Programa rasporediti posebnim odlukama na osnovu zahtjeva sa programom/projektom u skladu sa raspoloživim sredstvima Budžeta i operativnim planovima izvršenja Budžeta za 2012. godinu.

III

Sredstva iz tačke I ovog Programa koristiće se za provođenje programa prevencije, rehabilitacije i resocijalizacije uključujući troškove lica i institucija koja provode ove programe, a koji se odnose isključivo na prevenciju, rehabilitaciju i resocijalizaciju.

IV

Iznos sredstava iz tačke I ovog Programa u visini od 58.000,00 KM za podršku projektima prevencije ovisnika o psihoaktivnim supstancama za 2012. godinu, rasporedit će se na osnovu slijedećih kriterija:

R.b	K R I T E R I J I	Broj bodova
1.	Organizacijska struktura i kadrovski potencijal koji može odgovoriti zahtjevima preveniranja ovisnosti o psihoaktivnim supstancama – vidljive reference.	0 – 10
2	Organizacijama i institucijama koje u dosadašnjem radu na prevenciji ovisnosti imaju vidljive rezultate i dokazanu podršku i drugih donatora i institucija iz zemlje i inostranstva.	0 – 10
3.	Dokazanu partnersku saradnju sa institucijama koje se bave ovom oblašću.	0 – 10

Svaki od navedenih kriterija bit će vrednovan sa odgovarajućim brojem bodova od strane komisije Ministarstva koja će predlagati dodjelu sredstava i opravdanost programskih aktivnosti. Predložena sredstva za podršku projektima rehabilitacije i resocijalizacije iz tačke I. ovog Programa u ukupnom iznosu od 242.000,00 KM raspoređivat će se na osnovu slijedećih kriterija:

R.b	K R I T E R I J I	Broj bodova
1.	Komunama, terapijskim zajednicama i institucijama koje se uspješno bave detoksikacijom, psihološkim odvikavanjem i potpunom resocijalizacijom ovisnika do uključivanja u normalne životne tokove u svojoj zajednici	0 – 5
2	Organizacijama, terapijskim zajednicama i institucijama koje imaju vidljive i stručne uređene programe rehabilitacije i resocijalizacije ovisnika	0 – 5
3.	Organizacijama i institucijama koje imaju dokazane rezultate u provođenju programa rehabilitacije, psihološkog odvikavanja i resocijalizacije i vericifirane izvještaje o postignutim rezultatima koji bi bili prilog zahtjeva.	0 – 5
4.	Adekvatan prostor, kadrovsku strukturu, sredstva i opremu za provođenje svih oblika terapije i psihološkog odvikavanja do potpune resocijalizacije ovisnika i uključivanja u svoju sredinu.	0 – 5

Svaki od navedenih kriterija bit će vrednovan sa odgovarajućim brojem bodova od strane komisije Ministarstva koja će predlagati dodjelu sredstava u skladu sa programom i posebnim pojedinačnim odlukama Ministra za rad, socijalnu politiku i povratak u Vladi Tuzlanskog Kantona..

V

Objava ovog Programa u “Službenim novinama Tuzlanskog kantona i na Web stranici Vlade Tuzlanskog kantona www.vladatk.kim.ba ” ostavlja mogućnost potencijalnim korisnicima za podnošenje zahtjeva sa programom/projektom za raspodjelu sredstava iz predhodnog stava u roku od 15 dana od dana objavljivanja, što se smatra javnim pozivom.

VI

Organizacije i udruženja podnose prijavu na propisani prijavni obrazac koji se može preuzeti sa web stranice Vlade TK-a (www.vladatk.kim.ba) ili u Ministarstvu za rad, socijalnu politiku i povratak TK-a. Prijavni obrazac čini sastavni dio Programa.

VII

Uz prijavni obrazac obavezno se prilaže:

- Rješenje o upisu u registar kod Ministarstva pravosuđa i uprave TK-a ili drugog nadležnog organa FBiH ili BiH (kopija)
- Uvjerenje o poreznoj registraciji (kopija)
- Spesimen potpisa (kopija)
- Bilans stanja i bilans uspjeha za 2011.godinu ovjerenu u nadležnoj Poreznoj upravi (kopija).
- Izjava odgovorne osobe pravnog lica o transparentnom utrošku sredstava
- Sporazum o partnerstvu ako se radi o partnerskom projektu (ovjeren od svih partnera) (kopija)
- Detaljan program ili projekat za koji se traži finansiranje.

Prijave na javni poziv, korisnika sredstava za 2011.godinu sa pozicije “subvencija troškova prevencije, rehabilitacije i resocijalizacije ovisnosti o drogama”, koji nisu dostavili odgovarajući izvještaj o utrošku sredstava, neće biti razmatrene.

VIII

Popunjeni prijavni obrazac sa svim priložima podnosi se u zapečaćenoj koverti a predaje putem pošte ili na pisarnicu zajedničkih službi kantonalnih organa na adresu:

Tuzlanski kanton

Ministarstvo za rad, socijalnu politiku i povratak

Slatina br.2

75000 Tuzla sa naznakom

“Prijava na javni poziv”

IX

Organizacije i Udruženja su obavezne da izvještaj o utrošku sredstava sa potrebnim dokazima (kopije računa) uz narativni izvještaj dostave Ministarstvu za rad, socijalnu politiku i povratak TK-a najkasnije do 28.2. 2013 godine.

Izvještaj iz stava 1. ove tačke dostavlja se u skladu sa propisanim obrascem koji se može preuzeti sa web stranice Vlade TK-a (www.vladatk.kim.ba) ili u Ministarstvu za rad, socijalnu politiku i povratak TK-a. Obrazac narativnog i finansijskog izvještaja čini sastavni dio Programa.

X

Za realizaciju ovog Programa i pojedinačnih Odluka donesenih na osnovu ovog Programa, zadužuje se Ministarstvo za rad, socijalnu politiku i povratak Tuzlanskog kantona i Ministarstvo finansija Tuzlanskog kantona.

XI

Program stupa na snagu danom davanja saglasnosti od strane Vlade Tuzlanskog kantona, primjenjuje se od 01.01.2012. godine i isti će se objaviti u “Službenim novinama“ Tuzlanskog kantona.

DOSTAVLJENO:
1x Vlada TK-a
1x Evidencija
1x Arhiva

MINISTAR
Sead Hasić dipl.scr.